

Sabaot - Siruutēkaab - Salvation Scriptures

Ēfēesēēk 2:2 yoo kitōōrubē ātēbuutēk chēē nāmē keey āk soboontaab kōōrooni āk mbo chēbo bāytooyiintēētaab tāmirmirook chēē miyootēch ām wōliin bo barak. Bāytooyiintonoo :nyi mii kuyēyiisyēē choo mākāsyinē Yēyiin.

Mataayo 6:10 Kuyit :bāytooyiisyēēng'uung' kuyeyakay ām wōlēēb ng'wēny :kiyēē imāchē kuu wōloo wuunto ām kibkōōnkōy.

Luuka 22:42 "Baaba, yoo ichāmē, inēmtoowoo nyalili. Nteenee kuyeyakay kuu wōloo imāktooy, āmēēbērē kuu wōloo āmāktooy anii."

Yoowaana 16:7-9 Nteenee āmwoowook manta kule karaam ām wōlēē ūmiitē yoo kāāwē suwāāyooku Tāmirmiryēēt kuchō wōlēē ūmiitē, kuuyu yoo kāmāāwē, māchōōnii :Tāmirmiryēēt chokuyēētyēēchook. 8 Yoo kāchō :Tāmirmiryēēt, mākōōboorchi biiko kule kustooyootiin ām wōlēē kāstooy :icheek ng'ōōkisto, churtaayeet āk kiyēē itiilē :Yēyiin. 9 Kurubta keey āk ng'ōōkisto, ku kule -mēēkoosēēnnoo keey,

2 Tēmētēēwō 2:10 Kunyoo, āmuytoochinē kiy ake tukul kubo choo kiikukwey :Yēyiin, nto anyuun kooraraach nkicheek :Yēēsu Kiriistō sukunyōōr lēbkēēyyēētaab kibchuulyo.

Roomeek 15:20,21 Kyāāwuulyoonunēē ā-āmchinē lōkōōywēk chēē kāroomēch biiko choo kimānāāyityi :ng'ālyoontoonoo, kuuyu kimāāmāchē ātēēkyi kōōto yēē kiikusisin :chiito ake, 21 kuu yoo /kikeesir kule, "Makukas :choo /kimānāākēēmwooichi ānkumākōōnkēt :choo kimanaakasee yiitiikwaa."

Yēyuutēk 2:36,37 Kunyoo, kukas :biikaab *Isrāyēēl tukul ng'ālyoontooni: Kiyey :Yēyiin Yēēsu nyiitēnyi kyōōkwērtoochi :akweek murtoooywoontēēt kuyēk Mokoryoontēēnyoo ānkuyēk mbo subak Kāārārookiintēēnyoo." 37 Yu kakas :bichoo ng'aleechaa kimwooyē :Bētērō, kung'woonchi miisin ām kiyēē kikiikuyeyakay. Kimwooichi :bichoo Bētērō āk *lēbkēēyik chuut alak kule, "Mbo ng'eetaabiya, ara keeyey nee?"

Iburaneek 4:2 Kookeekas lōkōōywēk chēē kāroomēch kuu yoto kikāsē :bichooto. Nteenee mānāāyēētyēēchi :lōkōōywēchoo bichoo kuuyu kitay kōōyēnchi ng'aleechaa kikāsē.

Cheremnyaa 24:7 +Māākiim icheek sukōōnkēt kule anii :Yēyiin. Mākuyēk :icheek biikyuu, ānkāāyēku :anii Yēyiintēēng'waa, kuuyu mākōōyēēchoo anii :icheek ām mooyēēt akeenke.'

Yēyuutēk 16:14 Kimii :cheebyoosyeet ake yoto nyēē /kikēēkuurēē Liitya nyēē kyooltootē sirooy chēē ki ārroonēch chēbo āliisyēēt nyēbo barak

miisin. Kichōōnēē :cheebyoosyaanaa kiriinkēēt ake nyēē /kikēēkuurēē Tyaatiira ānkikutunkynē Yēyiin. Kiyey :Yēyiin cheebyoosyaanaa kōoyēnchi ng'aleekaab Bāwulō.

Mataayo 13:14,15 Yityiintōōs ām bichu :kiyoo kimwooyē :wōōrkooyoontēētaab Yēyiin Isaaya kule, '+Mōōyēbchinē yiit, āmōōnkētē kiy. +Mōōkāsēē koong', āmōōkāsē kiy. 15 Kuuyu kiyoomcho bichu :mētēwoy, kiimiiny :bichoo yiitin ānkiimiis koonyay. Nto kōmāwuu nyoo, nto kāsēē koonyekwaa, kuyēbchinēē yiit yiitiikwaa ānkōōnkētēē mētēwookwaa ānkuwēēkiis ānkāāsoob icheek.'

Isaaya 6:9,10 Kulēēnchoo wāāmwooichi biiko kule: "+Mōōyēbchinē yiit, āmōōnkētē kiy. +Mōōkāsēē koong', āmōōkāsē kiy. 10 Kuuyu kiyoomcho bichu :mētēwoy, kiimiiny :bichoo yiitin ankuker koonyay. Nto kōmāwuu nyoo, nto kāsēē koonyekwaa, kuyēbchinēē yiit yiitiikwaa ānkōōnkētēē mētēwookwaa ānkuwēēkiis ānkāāsoob icheek."

Maarkō 4:11,12 Kumwooichi :Yēēsu kule, "/Kookeekweyaak akweek ḥnkēt kiyēē iyeelaat kurubta keey āk wōlēē wuu :bāytooyiisyēētaab Yēyiin. Nteenee mākukāsēē :alake ng'aleek tukul tyoonkōōchoy. 12 Kuu yoo siraat kule, 'Nto yoo kakasee koong', mākāsē kiy. Nto yoo kāyēbchi yiit, -mēēnkētē kiy. Nto kikas :icheek ānkōōnkēt, nto kiikuweek ām miyootyēēng'waa, sukung'eet :Yēyiin, kunyōōchi kaat."

Yoowaana 12:39,40 Manaakookaasee keey :bichoo Yēēsu, kurub kuu yoo kisirē *:Isaaya kumwooyē kule, 40 "Kiker :Yēyiin koonyekwaa ankuyey kuyoomcho :mētēwook simakas kiy. Kunyoo, -mēēmuuchē kukas kiy āmēēmuuchē kusēw :mētēwookwaa, nto yoto, kumāwēēktōōs kukwa wōlēē āmiitē sukung'eet āsoob icheek."

Roomeek 11:7,8 Kunyi, mānāānyōōr :biikaab Isrāyēēl kiyēē kichēēng'ē. Chēē kinyōōr churtaayeet ku choo kikwēyootiin, nto chuut alak /keeyey kukōryo 8 kuu yoo mwooyē :siruutēk kule, "Kiyey :Yēyiin kuyoomcho :mētēwoy. Tinyē koonyek āmākāstēē, kutinyē yiitiik āmākāsē ng'al ākoy kura."

2 Tēēslōōnikēēk 2:10,11 Yēyiisyēē ng'ālyoo ake tukul nyēbo rōkōs kōōbērbēērē biiko choo mākubootyo. Mākubootyo :bichoo, kuuyu kitay :icheek kucham ng'ālyoontēētaab manta /sikiiraraach. 11 Kunyi, makuyey :Yēyiin icheek kōoyēnchi ng'wiiyanan /sikēētēwēch

Mataayo 13:18-23 "Kunyi okany baa ābāng'boong'wook tyoonkōōchoonēēb kāābātiintooni kiyisē nkoonu. 19 Kerkeey :biiko alake āk kēēltaab too. Kāsē ng'ālyoontēēt nyēē rubtooy keey bāytooyiisyēētaab Yēyiin āmēēnkēt kiyēē mwooyē :lōkōōywēchoo. Yoo kāchō :Kibrōkōsyoontēēt kusārē. 20Kukerkeey :alake āk kitaweeet. Kāsē ng'ālyoontēēt ankutorooch areet akeenke kukāng'ērēkyi. 21 Nteenee māchutitēē

icheek :ng'ālyoontoonoo, ibuurtooy nto nyēē mā tyaa, yoo /kākēēwēch /ānkēēwus kubo ng'ālyoontēēt, koochuchuuy keey. 22 Kerkeey :biiko alake teng'ek chēē kibiitee :kātook. Kāsē ng'ālyoontēēt, nteenee bēng'tēē tukuukaab kōōrooni āk muchastaab bāytit. Irēēwoonē :tukuuchoo ng'ālyoontēētaab Yēyiin kumayey kiy. 23 Kerkeey :biiko alake teng'ek choo kāroomēch. Kāsē ng'ālyoontēēt ānkukiilchi. Yēyiisyyēē :alake ng'ālyoontēētaab Yēyiin kuyi keey kisich, kuyi keey ām alak kukaykay, nto alak kuyi keey miisin.”

2 Kōōriintēēk 3:15,16 Ānkoo mbo kura yoo /kēēmiitē /kēēsumānē kitaabuutaab siruutēkaab *Muusa, kutākukērootiin :koonyekaab biiko. 16 Nteenee, yoo kātēbi :chii kut kuweech kāāsōōtēywēēkyii ankucham Mokoryoontēēt, +/mākiinēm kiyooto kiker koonyekyii. Isaaya 30:28 Kerkeey :siirmōōnyii āynēēt nyēē keeyiin ānkuyitē kaatitaab chii. Sēēsē yēēmōōs sukōōng'woonchi ānkōōchuutootē biich kutākyinē mnyaat.

Oseeya 11:3-7 Anii :nyēē kyāānēētē Isrāyēēl kuwēēsyētē. Kyāānāmootē āwut sāārēētoto. Ānkoo kuwuu nyooto, mānāāchāmchiin :inee kule kisobēēnno anii. 4 Kyāārēētoto icheek ām karaamateet ākoo chamateet. Kyāātōrōōr muchōōkiit ām kootwēkwaa ankaakuuy icheek. 5 Nteenee makooyeey ākoy Miisir ankubaya icheek :biikaab Āsyuur kuuyu māmāchē kureeny keey. 6 Mākuchēy :booryēēt ām kiriinkōōsyēkwaa ānkōōturbuub ūrootunwēēkwaa. +/Makiwaany bichoo kubo chōbuutēkwaa. 7 Māchē :biikyuu kityō kutaya. Makooyalaa :icheek āmēēbērē ātoorētē.

Yēyuutēk 26:18 isōōwunootē icheek kuweeksee wōlēē mii :mēēnānēēt kukwa wōlēē mii :lēbkēēyyēēt ankung'eetee :rātiisyēētaab Kibrōkōsyoontēēt kukwa wōlēē mii :Yēyiin. Yoo keekaaseenaa keey :bichoo, +māānyōōchi kaat /ānkiyiityi wōlēē mii :choo kyāātiliil.

2 Tēmētēēwō 2:24-26 Māmākyinē chii nyoo yēyē yiisyēētaab mokoryoontēēt kuyēyē wookuut. Nteenee māchāktōōs kutālāyiitu ām wōlēē mii :chii ake tukul, kōōnēētiisyē nyēē karaam ānkumuytooy. 25 Nto yoo mii :biiko chēē kwilē inee, kumāchāktōōs kuyisu muut ānkutinyēē mooyēēt kule imuuchē kōōkoochi nkicheek :Yēyiin mooyēēt kuweek sukōōnkēt manta. 26 Yooto, kōōmuuchē :icheek kusēw ankuchililee mastiitaab Kibrōkōsyoontēēt nyoo kiikunam icheek sukuyey kiyēē māchē :inee.

Ng'oong'uutyēēt 3:17-19 Ōmwooyē :akweek kule, 'Kēēyēku :acheek mokorēēn nto kule kīkēēnyōōru bāytit nyēē māmii :kiy nyēē -mākēēboontē.' Nteenee, -mōōkāsē :akweek kule ūburyētootiin, kyōōchooririi, ūyēku bānoon, ūkōryootiin ānkōōbēēsyētē kibchuraat. 18

Ārwookwook :anii nanyuun kule o-aleenaa anii *ta-aabuut nyēē /kikiitiliilēē maat, sōoyēku mokorēēn. O-aleenaa sirook chēē leelach olaach simoobeesyet kibchuraat, ng'ālyoo nyēē yibchook muyāt. O-aleenaa saakityeek ānkōōroonkyi koonyek sookaste. 19 Āburyoong'tooy biiko choo āchāmē āchuulē. Oweeksee choolwookātēēng'woong' ānkōōnēmchi keey Yēyiin.

2 Kōōriintēēk 7:10 Yoo kāchus :chii kukeeywey Yēyiin, kuyēyē :yoto kuweek :chiito, nto yoto +/makiiraraach chiichooto āmāmii :kiy nyēē miyaat nyēē kookuyeyakay. Nto yoo kāmuy kubo kule karub ātēbuutēkaab kōōrooni, kuyibu :yoto meet.

1 Bāytooyik 18:37 Yēyiin, ikāswoo soowuutēkyuu sukōōnkēt :bichu kule inyiing' Yēyiintēēng'waa ānkiimāchē kuyisyiing' keey.

2 Kōōriintēēk 4:4 Kiikookoor *:Kēniintēēt nyoo bāwu kōōrooni bichoo mānēēyēnchi ng'ālyoontēēt simakas lēbkēēyyēētaab lōkōōywēchooto kāroomēch choo iboru lēbkēēyyēētaab Kiriistō. Inee :nyoto iboorunēē keey :Yēyiin.

Luuka 8:11-15 Okany āboorwook tyoonkōōchooni. /Kikiikerkeeyee ng'ālyoontēētaab Yēyiin kēbuswēēchoo. 12 Kerkeey :biiko alake kēēltaab too. Kāsē ng'ālyoontēētaab Yēyiin, nteenee chōōnii *:Kēniintēēt areet akeenke ankusaree ng'ālyoontoonoo simēēyēnchi /ankiiraraach. 13 Kukerkeey :biiko alake yēbo kitaweed. Kāsē ng'ālyoontēēt ankutorooch ām ng'erekweek, nteenee, māchutitooy :ng'ālyoontoonoo mētēwookwaa. Nto yoo kakwa :tyēmuutēk koochuchuuy keey. 14 Kerkeey :biiko alake teng'eek chēē kibiityēē :kātook. Kāsē ng'ālyoontēēt, nteenee, bēng'tēē tukuukaab kōōrooni, bāytit āk muchastaab tukuuk chēbo leles. Irēēwoonē :tukuuchoo tukul ng'ālyoontēētaab Yēyiin kumayey kiy. 15 Kerkeey :alake teng'eek chēē kāroomēch. Kāsē ng'ālyoontēēt ānkukiilchi ām manta āk mooyēēt nyēē lēēl. Yēyiisyēē ng'ālyoontoonoo ām muytaayeet sukuyi keey."

Yēyuutēk 15:11 Mēērook oyey kuu nyoto. /Kikiiraraacheechacheek, yu kāwokunyōōwēēch :Mokoryoontēēt Yēēsu kaat, ānkuwuu nyoto ām wōlēē miitē :nkicheek.

Roomeek 8:13 Yoo keeruub keey :chii ātēbuutēchoo, kuchōōnchinē :meet. Nto yoo kāyēētyēēchook :Tāmirmiryēēt obakaakte ātēbuutēk chēē miyootēch, ūnyōōru soboon.